



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1520987
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

«09» նոյեմբերի 2023թ.

ք. Երևան
(կազմման վայրը)

Ակտի հասցեագրեր

«ՄԵԳԱ ՉԻՉ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	5	5	4	7	8	0	8
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ Շիրակի մարզ, ք. Գյումրի, Սավոյան 18

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

Հիմք ընդունելով «Օպերատիվ-հետախուզական գործունեության մասին» ՀՀ օրենքով իրականացված օպերատիվ-հետախուզական միջոցառումների արդյունքում ձեռք բերված նյութերը պարզվել է, որ սույն թվականի հոկտեմբերի 11-ին-ին ժամը 12:10-ին-ին «ՄԵԳԱ ՉԻՉ» ՍՊԸ-ի կողմից Volkswagen Caddy մակնիշի 35 GO 377 հաշվառման համարանիշի ավտոմեքենայով, ընկերության ք. Գյումրի Սավոյան 18 հասցեի պահեստից իրականացվել է արտադրանքի տեղափոխություն:

Մեքենայի վարորդ «ՄԵԳԱ ՉԻՉ» ՍՊԸ-ի վարձու աշխատող (վարորդ-առաքիչ) Նորայր Մուրադյանի կողմից տեղափոխվող ապրանքին ուղեկցող փաստաթուղթ չի ներկայացվել: Վերջինս ներկայացրել է գրավոր հայտարարություն, համաձայն որի 11.10.2023թ-ին ժամը 12:10-ին «ՄԵԳԱ ՉԻՉ» ՍՊԸ-ի ք. Գյումրի Սավոյան 18 հասցեում գտնվող արտադրամասից բեռնել է 103 կգ «Չեչիլ» տեսակի պանիր, որը տեղափոխվում է ք. Գյումրի Կուզնեցովի 4 հասցե (սառնարանային տարածք): Մինչ բեռնելը մեքենայում ապրանքային մնացորդ չի եղել: Ապրանքը բեռնելուց հետո արտադրամասի տարածքից դուրս է եկել ժամը 12:10-ին: Արտադրամասից դուրս գալիս իրեն որևէ փաստաթուղթ չի տրամադրվել: Վարորդը տեղյակ չէր արդյոք տվյալ տեղափոխության մասով ընկերության կողմից տեղափոխման էլեկտրոնային փաստաթուղթ դուրս է գրվել թե ոչ: Նորայր

Մուրադյանը հայտնել է նաև, որ ներկայումս «ՄԵԳԱ ՉԻՉ» ՍՊԸ-ի կողմից 1 կգ «Չեչիլ» տեսակի պանիրը վաճառվում է 4200 ՀՀ դրամով (ներառյալ ԱԱՀ):

ՀՀ ՊԵԿ տեղեկատվական բազայի տվյալների (Հարկատու-3 ծրագիր) համաձայն՝ 11.10.2023թ-ին ժամը 12:30-ի դրությամբ «ՄԵԳԱ ՉԻՉ» ՍՊԸ-ի կողմից նշված տեղափոխման մասով դուրս գրված հաշվարկային փաստաթուղթ արտացոլված չէր:

Թիվ 1520987 արձանագրությամբ 16.10.2023թ. հարուցվել է վարչական վարույթ:

Կողմը, պատշաճ ծանուցված լինելով, չի ներկայացել 09.11.2023թ-ին նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով՝ «ՄԵԳԱ ՉԻՉ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 000 դրամից:

Տվյալ դեպքում «ՄԵԳԱ ՉԻՉ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր արժեքը կազմել է 432 600 ՀՀ դրամ, որի 50 տոկոսը կազմում է 216 300 ՀՀ դրամ, ուստի օրենսդրական պահանջից ելնելով ընկերության նկատմամբ կիրառելի է 500 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

Հաշվարկել և «ՄԵԳԱ ՉԻՉ» ՍՊԸ-ին գանձման առաջադրել 500 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք՝	500.000	պետական բյուջե	900008000490

Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երկու օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



Կնիքի տեղությունը

Կ.Տ.

Ստացա ակտի մեկ օրինակը

ընդամենը 3 էջ

«ՄԵԳԱ ՉԻՉ» ՍՊԸ-ի տնօրեն Երվանդ Մարգարյան

Ֆիզիկական անձի անունը, ազգանունը

(անհատ ձեռնարկավորող դեպքում՝ անհատ

ձեռնարկավորող նշումով) իրավաբանական անձի գործադիր

մարմնի ղեկավար (զրազրության ընդունման համար

պատասխանատու անձ՝ հաղուկ առաքման դեպքում)

ստորագրությունը

2023թ.

(նշում ակտը ստորագրելուց և (կամ) ստանալուց հրաժարվելու մասին)